

ջին, ջլալ, պարկ, պահարան, սնդուկ. երկաթ՝ կացին, ուրազ, սղոց, դանակ, մկրատ, չաքուչ. գեճ՝ հրացան, ատրճանակ, խանչալ և այլ պաղ զէնքեր:

Գումր: Համարեան բոլոր գիւղերում տան բակի մէջտեղ է շինւած լինում գետնափոր գոմը. դա արտաքուստ դուռ չունի, այլ երկու արշին բարձրութեամբ մի բացւածք է, որի երկու կողմերից և վերեւից ծածկւած է ցեխից շաղախւած քարէ պատերով. ներս ես մտնում սանդուխքների վրայով զառիվայր դէպի գոմը. դա մի երկար շինութիւն է, ուր պատի երկարութեամբ շինւած մսուրի մի կողմում կովերը, երինջները, հորթերը կապւած են շարքով, մի ուրիշ կողմում այծերը, ոչխարները և գառները կանգնած են, իսկ մի այլ կողմում գոմէշները: Գոմն ընդհանրապէս մուտք է և յատակը ծածկւած է փշրած և չորացրած աթարով, որի վրայ պառկում են անասունները: Գոմում գտնուում է նաև մի կամ երկու ջրհոր:

Դարմանանոց (մարագ): Սա այն վայրն է, ուր պահում են անասունների կերը. գտնուում է կամ գոմին կից և կամ գիւղի մէջ, մի առանձին տեղում:

### ՈՒՏԵԼԻՔ ԵՒ ԽՄԻՉՔ

Փէրիացիների գործածական գլխաւոր կերակուրները կազմում են կաթնեղէնն ու ձւեղէնը, ապա բուսեղէնը, մսեղէնը և քիչ մասով քաղցրուկները և թթուները:

Այստեղ օրն երեք անգամ հաց են ուտում. առաւօտեան, կէսօրին և երեկոյեան, իսկ ժամը չորսին թէյ խմելու սովորութիւնն այստեղ էլ տարածւել է: Մի հանգամանք սակայն, որ աչքի է ընկնում, դա այն է, որ տեղական նահապետական հին սովորութեան համաձայն՝ տղամարդիկ առանձին հաց են ուտում և կանայք առանձին:

### Կ Ա Ք Ն Ե Ղ Է Ն

Կար: Ոչխարի, այծի, կովի, գոմէշի (քիչ է):

Սեր: Կաթը եռացնում են պղնձէ ամանի (ղաղան) մէջ և մօ-